

Ким сендан хулқда ўзиб кетса демак динда ўзиб кетибди!



15:00 / 04.07.2022 2680

Жаъфарнинг кимлигини биласизми? У ҳақида Набий соллаллоҳу алайҳи васаллам: «Сен менга яратилишинг жиҳатидан ҳам, хулқинг жиҳатидан ҳам ўхшайсан!», деганлар.

У жуда ҳам гўзал, келишган йигит эди.

У Ҳабашистонга ҳижрат қилган илк мусулмонларга бошлиқ эди.

У Ҳабашистон подшоҳи Нажоиййининг олдида қурайш элчиси Амр ибн Осни баҳсада мағлуб қилган эди.

У Набий соллаллоҳу алайҳи васалламнинг қалбларидан мустаҳкам жой эгаллаган эди. Унинг Ҳабашистондан қайтиши Хайбар фатҳи вақтига тўғри келди. Набий соллаллоҳу алайҳи васаллам уни кўриб шундай деган эдилар: «Қайси бири билан хурсанд бўлишни билмаяпман. Хайбар фатҳи биланми ёки Жаъфарнинг келиши биланми?».

У тенгсиз баҳодир эди. Муъта жангига Зайд ибн Хорисадан сўнг қўмондон бўлди. Сўнгра бутун буюкликни ўзида жамлаб Муъта жангига шаҳид бўлди. Ҳижрат буюклигини, саҳобалик буюклигини, шаҳидлик буюклигини...

Мадинада эса Расууллоҳ соллаллоҳу алайҳи васаллам Мұътә жанги тағсилотларини вахий орқали кишиларга айтиб турған әдилар. Расуллоҳнинг қўмондонлари бирма-бир шаҳид бўлганида уларга Мадинада туриб марсия айтиб турдилар. Охирида Аллоҳнинг қиличи Холид розияллоҳу анҳу қўмондонликни қўлга олди. У мусулмонларни қийин вазиятдан олиб чиқиб кетди. У зотнинг маҳорати ҳалигача ҳарбий қўмондонларга дарс беради.

Ўшанда кишилар ўз яқинларини йўқотиб маҳзун бўлиб йиғлашди. Набий соллаллоҳу алайҳи васаллам: «Жаъфарнинг оиласига таом қилиб беринглар. Уларнинг бошига уларни машғул қиладиган нарса келди», дедилар.

Қандай буюк пайғамбар! Қандай буюк дин!

«Жаъфарнинг оиласига таом қилиб беринглар!».

Бу дунё йўқотиш дунёсидир. Бугун видолашамиз. Эртага биз билан видолашибади. Бугун биз тобут кўтарамиз. Эртага бизнинг тобутимизни кўтаришибади. Аммо бу дин қийинчиллик пайтида ҳам, енгиллик пайтида ҳам раҳмат динидир. Бу дин елкадош бўладиган, ҳамдард бўладиган, юпатадиган диндир. Инсонни кишилар ёнида туриши каби ҳеч нарса юпата олмайди. Расууллоҳ соллаллоҳу алайҳи васаллам бизга кишисини йўқотган хонадонларга таом қилиб беришимизни ўргатаяптилар. Чунки уларнинг бошига тушган мусибат уларни таом таёrlаш каби ишларга эътибор беришдан чалғитади.

Бу дунё олди-берди дунёси экан. Бугун бизга инсонлар таом қилиб беришибади. Эртага биз уларга таом қилиб берамиз. Аммо шуни билишимиз керакки, иш ошқозонни тўлдиришдан анча каттароқдир. У яраланган қалбни даволаш ва маҳзун дилни овутишдир.

Йўқотишга учраган ҳар-бир хонадоннинг дардини енгиллатиш Расууллоҳ соллаллоҳу алайҳи васалламнинг: «Жаъфарнинг оиласига таом қилиб беринглар!», деган гапларига амал ҳисобланади.

Гоҳида майит аҳлининг таъзия учун кенг уйи бўлмаслиги мумкин. Унга уйингизни бўшатиб берсангиз қани!

Гоҳида майит аҳли маросим харажатларига қийналиб қолади. Уларга ёрдам берилса қани!

Гоҳида маййит аҳли йўқотган кишини даволашда бор будидан айрилади.
Қани энди тирикларга ҳам, ўликка ҳам ёрдам берилса!

Ибнул Жавзий роҳимаҳуллоҳнинг гапи қандай ҳам гўзал:

«Диннинг барчаси хулқ. Ким сендан хулқда ўзиб кетса демак динда ўзиб кетибди!».

Абдулқодир Полвонов тайёрлади